

武功縣志卷之三

人物志第六

史記后稷名棄其母有郃氏女曰姜嫄爲帝嚳元妃姜嫄出祀郊媒見巨人跡踐之心忻然說而身動如孕者居期而生子以爲不祥棄之隘巷馬牛過者皆辟不踐徙置之林中會山林多人遷之而棄渠中冰上飛鳥以其翼覆薦之姜嫄以爲神遂收養長之以初欲棄之因曰棄棄爲兒時屹如巨人之志其遊戲好種樹麻菽麻菽美及爲成人遂好耕農相地之宜穀者稼穡焉民皆法則之帝堯聞之舉棄爲農師天下得其利有功封棄於武功縣志

卷之三

人物

一

郃號爲后稷帝堯曰棄黎民阻饑汝后稷播時百穀別姓姬氏后稷之興在陶唐虞夏之際皆有合德后稷卒子不窋立後失官竄於戎翟間至公劉遷豳古公遷岐文王遷豐武王遷鎬遂伐紂有天下國號周

唐高祖神堯皇帝姓李氏諱淵字叔德隴西成紀人涼武昭王暠七代孫自暠五世有名天賜者爲魏幢主生虎有功於周與李弼等八人皆拜柱國號八柱國周受魏禪追贈唐國公虎生昶昶生高祖隋獨孤皇后高祖之從母也故文帝與高祖相親愛大業中爲岐州刺史治於武功而家焉所謂慶善宮也太宗實生於此大業十

三年高祖爲太原留守時煬帝南游盜賊蜂起太宗知隋必亾陰結豪傑舉大事懼帝不從因與裴寂選晉陽宮人私事帝乃告之五月以詐殺副留守王威高君雅與突厥連和遂起兵而有天下在位九年傳之太宗

太宗皇帝諱世民高祖次子母曰太穆后竇氏開皇十八年戊午十二月己卯生帝於武功宅有二龍之瑞方四歲有書生謁高祖曰公在相法貴人也必有貴子及見太宗曰龍鳳之姿天日之表年幾冠必能濟世安民書生去高祖懼其語泄使追殺之不知所往因以爲神乃採其語名之曰世民大業中突厥圍煬帝於鴈門帝年

武功縣志

卷之三

人物

二

十六應募往救遂隸將軍云定興部下設疑示虜虜遠引去後高祖起兵徇西河斬其郡丞高德儒至霍邑魯天久雨高祖欲還兵太宗諫曰義師爲天下起也宜直入咸陽號令天下今守一城是爲賊耳高祖不納太宗哭於軍門高祖驚召問之曰還則衆散於前敵乘於後死亾須臾所以悲耳高祖悟曰起事者汝也成敗惟汝遂進兵克長安定四方累進中書令初高祖起太原非其本意而事出太宗及取天下太宗功益高高祖屢許以爲太子建成懼廢與齊王元吉日謀害太宗九年六月太宗以兵入立武門殺太子建成及齊王元吉高祖

聞之大驚遂以太宗爲皇太子八月甲子卽皇帝位帝  
聰明英武其除隋之亂比迹湯武致治之美庶幾成康  
自漢以來未之有也

史傳周富辰襄王大夫也襄王十三年鄭人伐滑王使伯  
服游孫伯如鄭請滑鄭人不聽王命而執二子王怒將  
以翟伐鄭富辰諫曰凡我周之東徙晉鄭焉依子頽之  
亂又鄭之由定今以小怨棄之王不聽十五年王降翟  
師以伐鄭王德翟人將以其女爲后辰又諫王王弗聽  
後太叔通於翟后王絀翟后翟人來誅殺譚伯富辰曰  
吾數諫王不從如是不出王以我爲懟乎乃以其屬死

武功縣志

卷之三 人物

三

之

漢蘇建其上世因封居故蘇城蘇忿生爲周司寇居河內  
後徙武功杜陵故建或稱爲杜陵人以校尉從大將軍  
衛青擊匈奴封平陵侯以將軍築朔方後以衛尉爲遊  
擊將軍從大將軍出朔方後數歲以右將軍再從大將  
軍出定襄公翁侯失軍當斬贖爲庶人後爲代郡太守  
卒於官有三子嘉奉車都尉賢騎都尉中子武自有傳  
蘇武字子卿少以父任爲郎稍遷至移中廡監時漢連伐  
匈奴數通使相窺匈奴留漢使前後十餘輩及匈奴使  
來漢亦留之天漢元年且鞮侯單于初立恐漢襲之廼

盡歸漢使武帝嘉其意遣武以中郎將使持節亦送匈奴使歸因厚賂答單于單于見漢幣益驕方欲發使送武等會緱王與虞常謀殺漢降人衛律而劫單于母閼氏歸漢或告單于單于使衛律論虞常常引武副張勝知謀單于怒欲殺漢使既以其臣左伊秩訾之言欲降之名武受辭武謂已屬吏等曰屈節辱命雖生何面目歸漢引佩刀自刺衛律驚自抱持之氣絕半日後息單于壯其節朝夕遣人候問武而收繫勝武益愈律論斬虞常已曰漢使張勝謀殺單于近臣當死降者赦舉劍欲擊之勝請降律又因欲降武曰副有罪當相坐武曰

本無謀又非親屬何謂相坐律復舉劍擬之武卒不動律更曲爲說武武罵絕之律知武終不可脇白單于單于益欲降武置武大窖中絕不飲食天雨雪武臥齧雪與旃毛并咽之數日不死匈奴以爲神乃徙北海上牧羝曰羝乳乃歸別武官屬常惠等各置他所自是廩食不至武掘野鼠去草實而食之杖漢節牧羊臥起操持節旄盡落李陵降後單于又使陵往說武海上爲武置酒張樂謂曰單于聞陵與子卿素厚故使來說足下虛心欲相待終不得歸漢空自苦無入之地信義安所見乎足下兄弟皆坐事自殺太夫人已不幸婦亦更嫁矣

獨有女弟二人一男兩女存亾不可知人生如朝露何自苦如此且陛下春秋高法令無常人臣無罪夷滅者數十家國安危不可知子卿尚復誰爲乎武曰武父子皆爲陛下所成就嘗欲肝腦塗地今得殺身自効誠甘樂之臣事君猶子事父也子爲父死無所恨願勿復言陵感武至誠有悲心焉昭帝卽位遣使求武武官屬常惠陰教使者陽言天子射上林得雁足繫帛知武所在單于驚始還武及常惠等九人始元六年春武至京師拜典屬國秩中二千石錢二百萬公田二頃宅一區明年子元坐法死宣帝時以別子通國爲郎先是武因元

免官宣帝之立武以故二千石與計謀賜爵關內侯食邑三百戶尋以張安世薦復爲右曹典屬國又以著節老臣令朝朔望號祭酒優寵之武所得賞賜盡施予昆弟故人家不餘財年八十餘卒甘露三年單于入朝宣帝明著中興輔佐以武與霍光等凡十一人圖畫於麒麟閣以表揚之

趙禹以佐史補中都官用廉爲令史事太尉周亞夫亞夫爲丞相禹爲丞相史府中皆稱其廉平武帝時禹以積勞遷爲御史帝以爲能遷至中大夫與張湯論定律令禹爲人廉倨爲吏以來舍無食客公卿相造請禹終不

行報謝務在絕知友賓客之請孤立行一意而已嘗中廢已爲廷尉始條侯以禹賊漢及禹爲少府比九卿爲酷急至晚節吏務爲嚴峻而禹治加緩名爲平王溫舒等後起治峻禹禹以老徒爲燕相數歲諄亂有罪免歸後十餘年以壽卒於家

後漢蘇竟字伯况平帝時以明易爲博士講書祭酒善圖緯能通百家之言王莽時與劉歆共典校書拜代郡中尉時匈奴擾亂北邊多罹其禍竟終完輯一郡光武卽位就拜代郡太守尋拜侍中以病免初鄧仲况擁兵據南陽陰縣爲寇而劉歆兄子龔爲謀主竟時在南陽以武功縣志

卷之三 人物

六

書曉之於是仲况龔降竟終不伐其功潛樂道術作記誨篇及文章傳於世年七十卒於家

蘇純字桓公建六世孫也有高名性強切而持毀譽士友咸憚之至私相謂曰見蘇桓公患其教責人不見又思之三輔號爲大人永平中爲奉車都尉出擊北匈奴車師有功封中陵鄉侯官至南陽太守

李育字元春少習公羊春秋沉思專精博覽書傳知名太學淡爲同郡班固所重固奏記薦育於驃騎將軍東平王蒼由是京師貴戚爭往交之州郡請召育到輒辭病去嘗遊地教授門徒數百頗涉獵古學嘗讀左氏傳雖

樂其文采然謂不得聖人淡意以爲前世陳元范升之徒更相非折而多引圖讖不據理體於是作難左氏義四十一事章帝建初元年衛育馬廖舉育方正爲議郎後拜博士四年詔與諸儒論五經於白虎觀育以公羊義難賈逵往返皆有理證稱爲通儒再遷尚書令及馬氏廢育坐爲所舉免歸歲餘復徵再遷待中卒於官

蘇章字孺文純子也少博學能屬文安帝時舉賢良方正對策高第爲議郎數陳得失其言甚直出爲武原令值歲饑輒開倉廩活三千餘戶順帝時遷冀州刺史故人爲清河太守章行部案其姦賊乃請太守設酒肴陳平武功縣志

卷之三 人物 七

生之好甚歡太守喜曰人皆有一天我獨二天章曰今夕孺文與故人飲者私恩也明日冀州刺史案事者公法也遂舉正其罪州境望風畏肅改并州刺史以摧折權豪忤旨坐免隱身鄉里不交當世後徵爲河南尹不赴卒於家

蘇謙章兄孫也初爲郡督郵時魏郡李嵩爲美陽令與中常侍貝瑗交通貪暴爲民患前後監司畏其勢援莫敢發問及謙至部案得其贓論輸左校謙累遷至金城太守去郡歸鄉里後私至洛陽嵩爲司隸校尉爲嵩所害蘇不常字公先謙子也年十八徵詣公車會謙見殺載其

喪歸壑而不葬仰天歎曰伍子胥何人也乃藏母於武都山中變姓名募劍客刺嵩不克又潛鑿地旁達嵩寢殺嵩值嵩在廁止殺其妾及其子留書而去更以其子首祭謙嵩因憤患死不甯始改葬行喪後不甯竟以嵩客陷死

魏蘇則字文師漢平陵侯後也少以學行聞舉孝廉茂才辟公府皆不就起家爲酒泉太守轉安定武都所在有威名曹操征張魯過郡悅之使爲軍導魯破徙金城太守操卒則西平麴演魏主丕以其功加護羌校尉賜爵關內侯後演復結旁郡爲亂則悉平之進封都亭侯邑

武功縣志

卷之三 人物

八

三百戶徵拜侍中董昭嘗枕則膝臥則推下之曰吾膝非佞人枕也初則及臨菑侯植聞魏篡漢皆發服悲哭魏主丕聞植不聞則也問曰吾受禪而有哭者何也則鬚髯悉張方正論極對傅巽招曰不謂卿也於是乃止魏主丕以前燉煌獻徑寸大珠復欲求市則對曰陛下化治中國卽不求自至求而得之不足貴也不嘿然後從獵槎桎拔失鹿丕怒收督吏將斬之則稽首曰陛下欲隆唐堯之化而以獵戲殺羣吏臣敢以死請丕曰卿直臣也遂赦之然以此見憚黃初四年左遷東平相未至道病死謚剛侯



晉蘇愉字休豫魏侍中則第二子也兄怡襲侍中爵爲都  
亭侯怡死無子愉更襲封都亭侯晉代魏以爲太常卿  
遷光祿大夫至尚書卒

後魏蘇稚字天祐魏侍中則之後位至中書侍郎玉門郡  
守

蘇祐稚子也官至太山郡守

蘇協亦稚子爲武功郡守

蘇亮字景順祐子也少通敏博學好屬文善章奏與弟湛  
讓及從弟綽皆著名西土初舉秀才齊王蕭寶寅引爲  
參軍寶寅敗孝武西遷遷吏部郎中文帝大統二年拜

武功縣志

卷之三

人物

九

給事黃門侍郎領中書舍人宜都王爲秦州刺史文帝  
以亮爲司馬謂亮曰黃門侍郎豈可爲秦州司馬直以  
朕愛子出藩故以心腹相委耳賜以御馬八年封臨涇  
縣子除中書監領著作修國史亮有機變善談笑周文  
帝宇文泰爲丞相甚重之有所籌議率膺會其旨記人  
之善忘人之過薦達後進如恐弗及故當世敬慕焉歷  
秘書監大行臺尚書出爲岐州牧十年徵拜侍中卒所  
著文都數十篇行於世子師嗣起家黃門侍郎

蘇湛字景雋少有志行頗涉羣書年二十餘舉秀才除奉  
朝請領侍御史加員外散騎侍郎蕭寶寅討關西以爲

行臺郎中寶寅反令姜儉報湛湛舉聲大哭儉止之湛曰百口居家卽時屠滅云何不哭王以窮鳥依人朝廷假王羽翼榮寵至此今國步多虞不能竭忠報德乃欲乘人間隙以羸敗之兵守關問鼎破亾之期不旋踵矣湛不能以積世忠貞之基爲王族滅也願乞骸骨還鄉里寶寅知湛不爲己用於是聽還武功寶寅敗莊帝徵湛拜尚書郎謂之曰聞卿答蕭寶寅甚有美辭湛頓首謝曰臣與寶寅周旋契濶言得盡心而不能令其守節臣之罪也莊帝大悅加散騎侍郎尋遷尚書孝武初以疾卒於家贈散騎常侍鎮西將軍雍州刺史

武功縣志

卷之三

人物

十

蘇讓字景恕幼聰敏好學初爲本州主簿稍遷別駕累武都郡守鎮遠將軍金紫光祿大夫周文帝爲丞相引爲府屬甚見親待出爲衛將軍南汾州刺史有善政卒於官贈車騎大將軍儀同三司涇州刺史

後周蘇綽字令綽後魏武功郡守協子也綽少好學博覽羣書尤善算術從兄讓爲汾州刺史周文帝爲魏丞相餞於都門外謂曰願言君家子弟可任用者讓因舉綽名爲行臺郎中凡臺中公文皆綽與條式臺中稱能焉僕射周惠達與周文論事乃綽所量定文帝異之曰孰與爲此議者惠達曰郎中綽也後周文帝與公卿觀魚

昆明池問故倉地得綽對愈益敬禮乃更泛論天地造化之始歷代興亾之故並馬徐行及池不漁而反詢訪政道夜以達曙整衣而坐不覺其膝之前也卽拜大行臺左丞參典機密魏孝文大統十一年授大行臺度支尚書領著作監司農卿周文方欲革易時政務行疆國富民之道故綽益盡智能牧守令長非通綽六條及計帳不得居官周文厭文章浮華因魏帝祭廟羣臣畢至乃命綽爲大誥奏行之其文與六條俱見本傳綽性儉素不事產業家無餘財以海內未平常以天下爲己任周文帝亦推心委任十二年卒於位年四十九也子威

武功縣志

卷之三 人物

七

嗣

蘇椿字令欽綽弟也性廉慎沉勇有決斷魏正光中關右賊亂椿應募討之受盪寇將軍以功累遷中散大夫賜爵美陽子大統初拜鎮東將軍金紫光祿大夫除都督行強農郡事椿當官強濟特爲文帝所知十四年置黨州鄉師自非鄉望允當衆心不得預焉乃令驛追椿領兵其年破槃頭氏有功除散騎常侍加大都督十六年征隨郡軍還除武功郡守旣爲本邑以清儉自居小大之政必盡忠恕進爵爲侯位驃騎大將軍開府儀同三司大都督卒子植嗣

隋蘇威字無畏魏度支尚書綽子也襲封美陽縣公仕郡  
功曹周革命宇文護以其女新興公主妻焉初威惡護  
專權乃逃入山中未幾遣使持節授車騎大將軍儀同  
三司改封狄道縣公宣帝嗣位就拜開府高祖爲丞相  
高穎屢言其賢召入臥內與語大悅高祖受禪徵拜太  
子少保追贈其父爲邳國公以威襲焉尋兼納言民部  
尚書多讜言直論語在本傳煬帝立加威上大將軍楊  
玄感反煬帝曰此兒聰明將不爲患耶威諷之曰所謂  
聰明者識是非審成敗也玄感麤何謂聰明直恐亂自  
此階耳與宇文述對盜賊事威曰往但據長白山今近

武功縣志

卷之三

人物

七

在滎陽泗水耳復問伐遼東威請赦羣盜遣討高麗煬  
帝益怒值御史大夫裴蘊希旨劾威詔威除名尋從幸  
江都煬帝欲復用威蘊等奏威昏耄乃止宇文化及旣  
弒煬帝以威爲光祿大夫開府儀同三司化及敗歸李  
密密敗歸東都越王侗以爲上柱國邳公王世充僭號  
署太師唐太宗平王世充威請謁見稱老病不能拜起  
太宗遣人數威曰公隋室宰輔政亂不能匡救遂令品  
物塗炭君弒國亾見李密王世充皆拜伏舞蹈今旣老  
病無勞相見也尋歸長安請見高祖又不許卒於家年

八十二歲

蘇夔字伯尼威子也起家爲太子通事舍人楊素奇之素每戲威曰楊素無兒蘇夔無父後與鄭譯何妥議樂不行著樂志十五篇以自見仁壽三年詔天下舉達禮樂源者晉王昭爲雍州牧舉夔與諸州所舉五十餘人謁帝帝指夔謂侍臣曰惟此一人稱所舉於是拜晉王友煬帝嗣位歷太子洗馬鴻臚少卿關中盜起詔夔巡關中以功進位通議大夫坐父事除名後會丁母憂不勝哀卒時年四十九

**唐**劉文靜字肇仁父韶仕隋戰死贈上儀同三司文靜以死難子襲儀同儻有氣畧大業末爲晉陽令與晉陽

武功縣志

卷之三

人物

三

宮監裴寂善寂夜見邏堞傳烽歎曰天下方亂吾將安舍文靜笑曰如君言英豪所資也吾二人可終羈貧賤乎高祖爲唐公鎮太原文靜察有大志淡自結納旣又見秦王謂寂曰唐公子非常人也豁達神武漢高祖魏太祖之徒歟俄坐李密親繫獄秦王顧它無可與計者私入視之文靜喜挑言曰喪亂方劇非湯武高光不能定也王曰今過此非兒女子相愛直欲與共大計文靜曰上南幸兵填河洛盜賊蟬結大連州縣小阻山澤誠能投天會機奮義大呼則四海不足定也今汾晉避盜者文靜素知其豪傑一朝號召十萬衆可得也加尊公

府兵數萬一下令誰不願從鼓而入闕以震天下王業成矣王笑曰君言正合我意於是卒起兵以文靜爲司馬竟平隋有天下後爲裴寂所構與弟文起並坐法貞觀三年詔追復官爵

蘇世長祖彤仕後魏通直散騎常侍父振周巖州刺史建威縣侯父死王事詔世長襲爵入隋爲長安令大業末爲都水少監煬帝被弒發喪慟聞行路更爲王世充太子太保戍襄陽高祖與之舊數遣使諭降世長輒殺之洛陽平始歸帝帝謂世長世長對曰古帝王受命以比逐鹿一人得禽萬夫斂手豈有獲鹿後忿同獵者問爭

武功縣志

卷之三

人物

十四

肉罪耶帝笑釋之授王山屯監引見立武門與語平生後又拜諫議大夫帝欲獵武功時武功新經突厥之寇世長諫之不聽後與宴披香殿世長曰此殿煬帝作耶何雕麗抵此帝曰卿好諫似直然詐也顧以我所作爲煬帝耶對曰臣聞瓊宮鹿臺非受命聖人所爲者陛下武功舊第才蔽風雨時以爲足今天下方厭隋侈以歸有道宜刈淫奢復樸素乃雕飾如此欲易其亂得乎帝容重其言歷陝州長史天策府軍容祭酒引爲學士貞觀初使突厥與頡利爭禮不屈卻賂遺朝廷壯之出爲巴州刺史舟敗溺死

蘇勗字慎行武德中爲秦王咨議典籤文學館學士尚南  
康公主拜駙馬都尉遷魏王泰府司馬博學有美名泰  
重之勸開館引文學士著書名家歷吏部侍郎太子左  
庶子卒

蘇良嗣世長子也高宗時爲周王司馬王年少不法良嗣  
數諫王以法繩府官不職者甚見尊憚帝異之遷荊州  
長史帝遣宦者采竹蔣上苑所過縱暴至荊良嗣囚之  
上書言狀帝下詔慰獎取竹棄之徙雍州關內饑盜作  
良嗣政尚嚴每盜發三日內必禽獲號稱神明武氏垂  
拱初遷冬官尚書拜納言封溫國公留守西京賞遇尤

武功縣志

卷之三

人物

五

渥尚方監裴匪躬建言鬻諸苑果蔬儲利良嗣曰公儀  
休拔葵去織未聞天子賣果蔬與人爭利遂止遷文昌  
左相同鳳閣鸞臺三品遇薛懷義於朝懷義偃蹇良嗣  
怒叱左右批其頰曳去武后聞之戒曰第出入北門彼  
南衙宰相往來毋犯之武氏延載元年罷左相加特進  
仍知政事與韋方質素不平方質坐事誅引逮之后辨  
其非良嗣悻謝不能興輿還第卒年八十五詔百官往  
弔贈開府儀同三司益州都督

蘇瓌字昌容隋僕射威曾孫也擢進士第歷朗歙二州刺  
史來俊臣貶州參軍人懼其復用多致書請瓌瓌叱其

使曰吾泰州牧能過待小人乎俊臣恨之由是連外徙不得入神龍初始入爲尚書右丞再遷戶部尚書拜侍中留守京師中宗復政力歐鄭普思流儋州累拜尚書右僕射同中書門下三品進封許國公中宗崩遺詔太后臨朝相王以太尉輔政宗楚客阻之瓌正色曰遺制乃先帝意安得輒改帝氏敗睿宗卽位進左僕射景雲元年老病罷爲太子少傅卒年七十二贈司空荊州大都督諡文貞開元二年擢中子又左補闕六年詔配享睿宗廟庭太和中錄舊德官其四代孫翔

蘇幹瓌從父勗子也擢明經授徐王府記室參軍王好畋

武功縣志

卷之三 人物

六

每諫止之武氏垂拱中遷魏州刺史河朔饑前刺史苛暴百姓流徙幹檢吏責姦勸課農桑由是流民盡復以治稱拜右羽林將軍遷工部尚書來俊臣素忌之誣幹與琅邪王冲通書繫獄發憤卒

蘇頲字廷碩瓌子也幼敏悟一覽千言能覆誦第進士調烏程尉再遷監察御史被詔覆來俊臣寃獄多所洗宥遷給事中修文館學士拜中書舍人時瓌同中書門下三品父子同在禁苑朝廷榮之玄宗平內難凡制誥皆頲所爲又遷工部侍郎以父喪不拜終制後詔以爲中書侍郎知制誥始給政事食尋襲封許國公開元四年



進同紫微黃門平章事修國史與宋璟同當國璟剛正多所裁決頌能推其長帝前敷奏璟有不及輒助成之故帝皆納焉璟曰吾與蘇氏父子同爲宰相僕射長厚自是國器若獻可替否事至卽斷公不顧私則今丞相過之八年罷爲禮部尚書又檢校益州大都督長史按察節度劍南諸州從封太山詔頌朝覲壇世咨其文還分三十銓事卒年五十八詔贈右丞相謚曰文憲文章與張說齊名時號燕許大手筆云

蘇誥字廷言頌弟也舉賢良方正高第累轉給事中時頌爲紫微侍郎固辭帝曰朕自用誥卿奚不若祈奚也出武功縣志

卷之三

人物

七

爲徐州刺史治有良迹贈吏部侍郎

蘇震誥子也以廕補千牛十餘歲強學有成人風累遷殿中侍御史長安令祿山陷京師震與崔光遠殺開遠門吏棄家出奔會肅宗興師靈武震晝夜馳赴行在帝嘉之拜御史中丞遷文部侍郎廣平王爲元帥以震爲糧料使二京平封岐陽縣公改河南尹累封岐國公拜太常卿代宗幸東都復以爲河南尹未行卒贈禮部尚書富嘉謨舉進士長安中累轉晉陽尉時新安吳少微亦尉

晉陽極相友善有魏谷倚者爲太原主簿並負文辭時稱北京三傑天下文章尚徐庾浮俚獨嘉謨少微本經

術雅厚雄邁人爭慕之號吳富體預修三教珠英帝嗣立薦嘉謨少微并爲左臺御史已而嘉謨死少微方病聞之爲慟亦卒

蘇源明初名預字弱夫少孤寄居徐堯工文辭有名天寶間及進士第更試集賢院累遷太子論德出爲東平太守詔爲國子司業安祿山陷京師源明以病不受僞官肅宗復西京擢考功郎中知制誥值禁中禱祀窮日夜而史思明陷洛陽詔幸東京親征源明上疏極諫帝嘉其切直遂罷東幸以秘書少監卒

蘇弁字元容瓌從孫也擢進士調奉天主簿德宗出狩縣武功縣志

卷之三

人物

六

令計事在府官屬皆惶恐欲遁走弁曰昔肅宗幸靈武至新平安定二太守坐伏匿斬以徇諸君知之乎衆乃定車駕至儲峙畢給帝嘉之試大理司直朱泚平進監察御史累擢倉部郎中判度支裴延齡死帝召弁見延英賜紫衣金魚以度支郎中副知度支事位郎中上度支有副自弁始弁通學術事精明承延齡後平賦役畧煩苛人賴其寬久之遷戶部侍郎判度支改太子詹事尋坐腐粟貶汀州司戶參軍是時兄袞爲贊善大夫冕京兆士曹參軍以弁故貶袞永州冕信州皆司戶參軍袞年老瞶不能視帝閱之聽還又有稱冕才者帝悔

不用重追冕遂不復用數年起并爲滁州刺史卒并聚書至三萬卷手自讎定當時稱與秘書埒云

蘇鶚未詳其行事崔豹古今註云有行義集十卷

元讓擢明經以母病不肯調待膳不出閭數十年母終廬

墓次廢櫛沐飯菜飲水咸亨中太子監國下令表闕於

門永淳初巡察使表讓孝悌卓越擢太子右內率府長

史歲滿還鄉里人有所訟皆詣讓判中宗在東宮召拜

司議郎入謁武后望謂曰卿孝於家必能忠於國宜以

治道輔吾子導卒

蘇檢字聖用舉進士歷中書舍人昭宗天復一年拜工部

武功縣志

卷之三 人物

九

侍郎同中書門下平章事朱全忠崔胤反覆爲姦朝廷

急於累卵檢以韓偓有才辨數言於李茂貞欲以相偓

偓陰附胤知事不可不肯拜初茂貞與諸宦者恐上自

別用人故協力薦檢明年二月丙子胤與全忠竟害檢

許西子曰蘇氏除世長至并史各有傳予讀唐書宰相

世表觀其人至繁衍顯盛也今畧序之使好事者得謂

說焉按表蘇氏猶有秘書監一人踐言都督一人漢駙

馬都尉二人曰彥伯曰震郎中二人工部 獻駕部 刺

史八人臺州 澄沅州 均虔州 務寂 梓州 妙泉州 易黃

州 奕光州 繫滁州 太府卿一人檀 太守一人顏 淮安 曉

衛將軍一人趙國子司業一人虔王傅一人盈而其系  
推自平陵侯檢別爲蘇氏非平陵侯後

**宋**蘇曉字表東父瓚仕後唐歷秘書少監曉宋初爲淮南  
轉運使歲入百餘萬緡開寶三年遷司勳郎中改西川  
轉運使仍掌京城市徵發李守信賊拜右諫議大夫判  
大理寺卒年七十三然深刻少恩非長者云

游光濟官至大理寺丞贈朝請郎子師雄最知名

蘇昞字季明與游師雄同學於張橫渠乃後昞又卒業二  
程元祐末呂大中薦之起布衣爲太常博士坐元符上  
書入邪籍編管饒州卒

武功縣志

卷之三

人物

三

游師雄字景叔第進士爲儀州司戶參軍順德軍判官與  
鄜延諸將計議邊事賴以無患元祐初爲宗正主簿議  
棄四砦事甚力執政弗從遷軍器監丞夏人謀分據熙  
河師雄語劉舜卿制之之策已而皆大捷斬獲幾四千  
人虜鬼章及其大首領九人遷陝西轉運判官提點秦  
鳳路刑獄夏人侵涇原復入熙河師雄議於定西通渭  
之間建三柵及護耕七砦以固藩籬爲無窮之利詔以  
師雄議付范育入拜禮部員外郎加集賢校理爲陝西  
轉運使計轉輸事上皆從之有諸詣關者宗勞之曰洮  
州之役可謂雋功但恨賞太薄耳拜衛尉少卿上數訪

邊方利病師雄具慶曆以來邊臣施置之臧否朝廷謀  
議之得失及今禦敵之要凡六十事名曰紹聖安邊策  
上之出知河中府進直龍圖閣知秦州未至夏人擾邊  
詔攝熙河與使者及秦師共謀之師雄志在築城守禦  
而使者方銳於討擊然卒用師雄策自復洮州之後于  
闐太食佛林邈黎諸國皆懼悉遣使入貢未幾還秦徒  
知陝州卒年六十師雄慷慨豪邁少有文學事橫渠益  
得其奧及被委用有志事功議者以用不究才爲恨弟  
師韓亦以英俊知名子靖竑議竑竦皆舉進士傳其家  
游請舉進士爲河南府左軍巡判官管勾秦鳳路機宜文  
武功縣志

卷之三

人物

三

字有學行克肖厥父文章簡易順理時以爲工

**元**康氏諱廷瑞字子安讀書長寧西門原上有弟子數百  
人宗師子安明性理之學於是稱之曰西原先生後辟  
爲興化訓導其行事見家譜大傳孫諱汝楫在 皇明  
最有勲德

**皇明**康氏諱汝楫字濟川洪武初舉明經爲縣學訓導

太祖皇帝選天下文學知名之士教太子諸王乃以訓  
導爲燕王相參錄其軍國事洪武末出爲安岳知縣靖  
難後 太宗皇帝徵赴行在拜行部左侍郎留北京輔  
皇太子凡城守置治事皆聽便宜行之侍郎有大勲德

上將封之爲侯固死不拜比卒又上表乞勿賜贈諡上  
竟皆允之一日 上召其子俱來值中子年賈在外迺  
以長子諱爵爲上林苑監左監正季子禋爲監副又賜  
中子年千金鏹數十千貫勅關津吏往來不得詰察  
上謂廷臣曰侍郎忠其子孫必忠聞侍郎尚有孫侯長  
當并官之又曰二子初仕或未諳悉法禁錦衣衛可記  
名有過勿劾洪熙元年贈工部尚書諱爵字以德在上  
林卽條陳山西苑戶久役之苦上皆從之累遷南京太  
常寺卿禋字以敬有文名官至右通政太常子諱健字  
自強天順初有詔起尚書孫應祀者受通政司知事知  
武功縣志

卷之三

人物

三

事子諱鏞字振遠世稱康長公以文章名世目曰關西  
夫子仕爲平陽府知事其言語行事並見家譜大傳子  
阜字德瞻七歲能詩十八歲死以次子海贈翰林院修  
撰

馬京字子高少學於康尚書以文學知名洪武十三年進  
士及第授翰林院編修永樂初拜行部右侍郎未幾卒  
仁宗皇帝贈少傅禮部尚書諡文簡京爲人方正有才  
思立朝多所建明 上嘉納之然取之囹圄之中而卒  
於効用之始故其美大莫究時論惜焉子健以廕爲太  
常寺典簿後至兵部主事天順末主事孫昭舉鄉試後

爲武邑知縣昭子安以例爲國子生終滎河知縣

列女帝嚳元妃姜嫄有釐氏女也初無子與帝嚳禋祀郊  
媒以求有子出遇巨人跡悅而踐焉震動有孕乃生后  
稷是爲周人生民之祖詩曰厥初生民時維姜嫄蓋此  
之謂也餘見史記周本紀

太姜者周太王妃有邵氏女也生泰伯仲雍王季太姜有  
色而貞順率導諸子至於成童靡有過失太王謀事必  
於太姜太姜相太王修復后稷之業積德行義故詩於  
遷岐亦稱曰爰及姜女聿來胥宇云

符秦竇滔妻蘇氏名蕙字若蘭陳留令武功蘇道質第三  
武功縣志

卷之三 人物

三

女也年十六歸於竇氏滔甚敬之符堅寇襄陽以滔爲  
安南將軍留鎮襄陽滔攜寵姬趙陽臺往蘇氏怨之不  
肯與俱而滔竟與斷音問後蘇氏悔恨自傷因織錦爲  
回文縱廣八寸計八百餘言縱橫反覆皆成文章因以  
寄滔襄陽滔覽之感其意於是迎蘇氏來襄陽而歸陽  
臺於關中恩好愈篤焉著有文詞五千餘言隋亂不傳  
止傳其回文回文有唐武后記言蘇氏事甚詳

皇明丁氏喬銓妻銓死無子守節四十餘年始終無玷正  
德二年知縣鍾仁以聞後八年命始下知縣紹表其門  
喬氏李銳妻銳死貧無以依挈其女居故族兄祿家織紵

自活幾四十年女子已嫁值婿死乃與女居節操莊嚴士大夫累言諸有司知縣璠至始上聞於朝

王氏周村人郝讓妻讓少喪父母武氏年二十餘寡居辛苦萬狀匍匐至讓成立爲取婦有子子夭乃讓亦死王氏親鄰多勸之嫁不從曰有姑在不可無與養也姑乃更勸之王氏曰姑昔值舅亾有盛年艾容誓死不更人所以極辛苦者徒以讓爾今讓不幸死無能終老母之養妾爲之婦忍姑更匍匐耶於是卒意自守力作養姑終身不衰

選舉志第七

武功縣志

卷之三 人物

三

武功代有豪俊其被與選舉要不渺矣自傳記所覩載者魏有蘇則舉孝廉後魏有蘇亮蘇湛舉秀才唐蘇瓌蘇頲蘇踐言蘇綰蘇獻富嘉謨蘇弁蘇亶蘇奕蘇檀蘇顏蘇虔蘇檢舉進士蘇幹元讓蘇澄蘇均蘇務寂蘇妙蘇易蘇繫擢明經蘇詵蘇盈舉賢良方正宋游師雄游靖游竑游蟻游竝游竦元張泰皆舉進士泰子張緝孫張顯舉鄉貢明興科舉之制未定其舉明經有先尚書公舉進士有馬文簡公舉人才有吉安府同知王璽瑞州府同知文顯德安倉大使康舉自科貢之制定士非此不能仕今列諸科貢者於篇俾後世足覽焉



科洪武十二年一人 馬京 見前

三十年二人 黃琮 岳州府通判 成禮 涪州訓導

三十三年三人 張羽 顯子文水縣知縣 李源 高唐州吏目

董巖 長清縣知縣

永樂元年一人 舒忠 朔州學訓導

三年一人 李欽 驍騎衛經歷

六年一人 景昇 房山縣主簿

九年二人 張純 于岩 武邑縣學訓導

十二年一人 趙庸 譙忠

十五年二人 魏浩 王圭

武功縣志 卷之三 選舉

十八年三人 楊時 張敏

武成 王旻

二十一年二人 劉徵 引禮舍人

宣德元年一人 符信 以子泰封鄭府右長史

正統三年一人 符泰 洪洞永平學訓導林偃城學教諭鄭府右長史

六年一人 丁璿 己丑進士行人司行人

九年二人 張翺 清遠肅寧縣縣丞絳州判官 李紀 趙州學訓導

十二年一人 景丙

景泰元年二人 張輔 羽子太原府推官 劉縉 臨縣知縣

四年二人 陶清 馬昭 京孫武邑縣知縣

七年一人

馬驥

涪城學訓導四川南部縣知縣

天順三年一人

丁仕能

瑯從子濰縣平陸富順學教諭大同縣知縣

六年一人

李琳

蠡武強縣知縣

成化元年二人

李得春

平陽南陽府學訓導壺關榆次縣學教諭

馬駟

驥弟二十年進士戶部主事員外郎河南按察司僉事布政司

右參議四川左參政進右布政使致仕

七年一人

魏璽

涪城鹿邑學訓導吳江商河學教諭密雲衛學教授國子監助

教代府右長史

十六年一人

文朴

顯從曾孫浮山縣知縣

弘治二年二人

侯相

蒲州學正湯陰縣知縣

武功縣志

卷之三

選舉

三

楊和

閩中臨淮訓導玉田縣知縣論涪州判官

十一年三人

楊秉中

舟子正德六年進士行人司行人監察御史

康海

長公子十五年進士翰林院修撰

劉臣

丹稜縣知縣

十四年一人

李堯賓

得春子

十七年三人

康浩

鑿中子正德六年進士戶部主事

吳世瞻

銅梁縣知縣

張舜舉

羽元孫太原麻城學教諭儀封內鄉縣知縣

正德二年一人

趙雍熙

壺關任邱學教諭清遠縣知縣

五年二人

楊瑁

景懷子許州學正

朱惟屏

聰子伊陽縣學訓導

十一年二人 牛兆祥 經子

李朝綱 陽曲縣學教諭

十四年二人 耿儒

耿朝用

貢洪武時十人

鄭岩 十七年安邑縣知縣 張憲 十九年刑部主事 袁溥 二十一年浙江按察司僉事

王裾 二十三年壽縣知縣 崔裕 二十五年崇昌學訓導 楊貞 二十七年戶部照磨

王用 二十九年刑部員外郎 鄧恣 三十一年山西按察司經歷

楊凱 三十三年梁縣知縣 張貞 三十五年

永樂時十人

張謙 二年廣南府檢校 鄭訥 四年

王郁 八年 劉鈞 十年定興縣縣丞

武功縣志 卷之三

徐智 十四年 何玉 十六年四川安撫司吏目

虎文 二十年

洪熙時一人

文郁 元年隰州吏目

宣德時六人

李璿 二年 宋瑀 四年

何著 八年 朱瑛 九年

正統時十四人

鄧信 元年 李茂 二年

事徐 州判 馬良 四年

宇文泰 三年光祿寺監 包整 五年富州吏目

王佐 六年墊江縣主簿

董璉 十年

馬健 十八年鴻臚寺引禮舍人

三

宇文政 六年

李恭 七年

李俊 八年

段暹 九年  
曲陽縣主簿

李耕 十年  
平陽府通判

殷倫 十一年

張本 十二年  
三萬衛經歷

王瑾 十三年  
府典儀

張隆 十四年

景泰時七人

趙興 元年  
大興縣丞

劉福 三年  
江都縣主簿

黨惠 四年  
澤州學訓導

鄭莊 五年  
榆社縣丞

馮寅 六年  
內鄉縣丞

張鳳 七年

天順時四人

曹俊 二年  
四年順慶府推官

王翰 六年  
江寧縣主簿

武功縣志 卷之三

申請 八年  
荻水鎮巡檢

六年又許貢四十已上者十人

郭維新 東昌府知事  
尚望 中城兵馬副指揮  
順天府推

侯清 蒙城縣丞  
苟容 絳州稅課局大使  
李尚義

葛瑤 衛輝遞所大使  
寧春  
楊福 河陰縣訓導

劉或 溫江縣主簿  
任和

成化時十一人

張繪 二年  
安慶府山口鎮河泊所官

于壽 四年

李文圓 六年  
序班臨胸縣主簿

康長公 諱鏞見前志

馬負圖 十年  
祀縣丞

康演 舉會孫 十二年

段子玉 十四年  
修武縣主簿

康錫 長公弟十六年藁城縣丞 張通 十八年岳也縣主簿 李迪 二十年衛輝府知事

劉振 二十二年夔州府檢校

弘治時十一人

閻秀 元年夏縣主簿 楊舟 三年夏縣學訓導封監察御史

張巽 羽孫五年 丁丙 七年大同左衛學訓導鄭府伴讀

李本 九年金堂縣主簿 朱聰 十年貴州蠻夷長官司吏目

牛經 十一年常州府經歷 康錦 長公季弟十二年長洲縣丞 党資祿 十三年富順縣丞

劉大經 十五年大同縣丞 馮義 寅子十七年南城兵馬司副指揮

正德時

張繼 為 翔季子元年朔州山陰學訓導 蔡蘭 三年宜陽學訓導

武功縣志 卷之三 選舉

康一嘉 演子五年 符瑛 泰子五年西鄉貢 趙章 七年奉化學訓導

楊珂 景隆子九年順慶府學訓導 党旺 惠子十一年汜水學訓導

張儒珍 十三年河間縣訓導 張秉 翔中子十五年

泚西子曰武功之士所進用於昌時者如是舊志不列其行事夫國家承平百五十年諸君子豈無表然在人者今已不述後何以觀焉余於是懼因鄉先生各道其所知乃畧著其行事於乎盛哉錄不及其存者事定於蓋棺之後也

張憲美儀羽侗儻有氣年十八歲貢入太學 太祖愛之以為刑部主事上每以部中事問憲憲應對殊有條理

同官有罪者或引及憲上曰是我小主事耶必非若此  
遂置不問乃後竟以引逮謫戍鞏昌至元孫瑛有功陞  
百戶

袁溥字汝公爲浙江按察司僉事有令名訟者至則迎刃  
而決無有凝滯以呈誤左遷吳縣知縣後又坐解戶失  
金謫戍

黃琮字伯玉通周易爲岳州通判能其官人稱廉平歸時  
行李蕭然若諸生時也

張羽字仕儀爲文水知縣政令嚴明發摘若神桀民有稱  
十虎二彪一太威者羽悉按法徙之時以爲能

武功縣

卷之三

選舉

三

王用初爲刑部主爭用法平恕私門無所交接事聞太  
祖皇帝嘉賞之因遷員外郎

李籽爲平陽府通判平陽人云有遺愛焉

符泰字伯亨信子也舉時年十八在太學聞母憂徒跣至

家廬居墓側者五百日父命徙歸乃更廬於中門外免

喪除洪洞訓導能以禮教諸生自令丞士大夫以下皆

殊敬之有繼母憂改永平學天順初上言十一事極論

時政得失訓導滿遷林縣教諭先是吏部以泰擬選御

史會目皆不預再有繼母憂改偃城攝偃城縣民以爲

平乞爲令巡撫累疏薦補不報教諭滿乃拜鄭府右長

史在鄭府多有諫正王敬納之詳見家集泰篤厚恭謹  
孝友天成居鄉守官人無間言年六十七卒於官子珽  
爲西鄉學生正德五年貢太學

丁璿字大器進士除行人爲人溫恪罔躁所交人無小大  
皆敬信之卒後士大夫過者必哭加賻焉成化甲辰饑  
李侍郎來賑關中行縣至則首訪其家拜其妻嘆曰吾  
大器乃如此天乎善人何尤卽以其所有資俸盡予之  
後其妻亦以貧死子紹先讀書無成死無子

張翺字鳳儀爲清遠縣丞有惠政士大夫至今傳誦其賢  
改肅字治效若河遠後遷絳州判官益爲絳人所愛子  
秉鸞以日歲貢

李紀以貧爲趙州訓導質樸無華教人勤懇詳至罷歸後  
乃益貧又不欲干謁人猶聚徒教授取給焉可以知其  
志矣

馮寅字子敬未仕時聚童子爲小學之教凡灑掃應對之  
屬曲盡其節後爲內鄉丞歸已足以自養矣猶孳孳教  
人不憚煩碎有古鄉先生之風焉今士大夫謝仕以居  
者或不欲自課其子孫况凡民童子哉

尚望字周臣爲中城兵馬副指揮有膽氣能不奪於豪貴  
禁奸止暴令出唯允中城人殊敬畏之至今猶稱良兵

馬云有劉原者故無子以養子治業及原有子原未幾死矣養子私其蓄積毋肯與原子原妻歷訴皆爲養子請託失理一日妻夢原令訴望所原妻來訴望已先夢原訴指其匿貨所在隨發得之人以爲神遷順天府推官致仕年七十卒

馬驥字漢房潞城訓導遷房山知縣有父憂改南部性爽慨重然諾好義有氣鄰里婚喪多所成助出百金急人之難無恹色篤愛同氣老而不倦罷南部歸日與士大夫故舊遊宴相樂曰歲月如坂上走丸真不可不遣也年六十五卒於家

楊福字善甘貧 旨學居寶意上方從遊及門者若將百人福每鷄鳴而起寒暑風雨無所間後除河陰訓導以所教於寶意者教之士子沛然從焉至今河陰人猶稱福善教不忘也福後卒於河陰

李得春字時魁初爲平陽訓導年甚少也能自治威嚴諸生咸畏憚之後改南陽金城段先生堅知南陽獨禮重之段先生號有理學故得春益造詣罔謬遷壺關教諭以憂改榆次致仕歸貧至居傲不葺人以爲難未嘗請託長吏別居詠歌古昔絕不談世事年八十卒

魏璽字廷寶歷潞城鹿邑訓導吳江南河教諭所至皆有



嚴憚遷國子助教再遷代府右長史卒於官璽為人質直好義皆學秉禮平日未嘗妄言謾論聞非禮之言則耳頰俱赤待人無衆寡小大各得所敬曰施報之際固宜若此爾年六十八卒

侯相字良弼以親老求為蒲州學正學正滿遷湯陰縣知縣湯陰道衝政繁相欲以簡易為理遇當塗者或至濶畧體面當塗者乃以為迂相益自信不肯易居二年有憂歸尋罷縣貧居尚志年五十八卒

其以例入監者天順六年四人

王承大同府知事 王禮南皮縣知事 宇文縉大寧前衛經歷廣安州同知

字之慶通江縣主簿

成化三十年八人

郭友鴻臚寺序班 王縉聚子鴻臚寺序班 馬萬國驥子雙流曹縣主簿

馬萬衢驥子清豐縣主簿 陳紀 伊德

馬安昭子東安主簿恭縣知縣 王大經聚子伊府典儀正

正德三年十人

王佩昭子 馬萬域驥子 魏鑛璽子 劉璣大經子

馬執中馴姪 王官 丁誥紳子 張世翀

王繼祖大經子 王堂瑾子

十年三人

張仲儒

馬正中

馴子

馬存信

安子

掾吏入官者成化以上縣不過數人今益多不可勝紀矣  
取其名於官者列諸篇焉

張揮

廣陵縣典史

李能

內鄉縣典史

楊景隆

鳳陽廣齊闕河拍所官

景德章

南樂縣縣丞

楊景懷

光祿寺監事涿州判官

丁紳

邯鄲縣典史

賀澄

蠡縣典史

楊景新

河津縣主簿

王昭

丹陵縣典史

張翽

濟南遞運大使

宋得山

溧水縣典史

魏經

高縣典史

武職趙興

蔚州衛指揮同知

靳通

定邊後衛指揮僉事

秋敬

會州衛千戶

王大

秦州

衛百戶至子英

陞洮州衛千戶

杜安

開平衛副千戶

馬記

留守前衛副千戶

張英

憲元

孫革昌

衛千戶

奈四

京州衛百戶

李貴

寬河衛百戶

賀胡兒

河州衛百戶

李心

興隆左衛百戶

封贈尚文英

望父贈中城兵馬司副指揮

馬肅

馴父贈戶部主事

康鑾

長公弟浩父封戶部主事

耆民馬宗祿

有信義持是非鄉人服焉年九十三歿

康和

舉子長厚有禮於物無所忤常自言曰人唾吾拭人打吾避人罵吾謝吾何較乎人至今稱其言

党端

富財好義喜怒不形有偷兒夜入其廡端察得之謂曰不足何不告我而若此更以所偷令子弟予而遺之終身不肯言偷者名

喬鼎

謹厚詳審於人無爭與弟彙並有良名二人皆頎貌美髯鄉人目曰大髯小髯云

張明舉

親族睦鄰無所怨惡及時年八十有九

許西子曰余為武功志其義例皆見諸篇余不知其詳與  
畧也故猶<sup>曰</sup>後之君子繼而正焉志作於正德十四年秋  
七月朔日成於秋八月三日十月十九日隴西馮韶書成  
入梓

武功縣志卷之三

